

# Oppsynsrapport for villreinjakta i Setesdal-Ryfylke, Setesdal Austhei og Våmur-Roan villreinområde 2012



Foto: Kristian Steine



## **Føreord**

Dette er den ellefte oppsynsrapporten frå SNO for villreinjakta i villreinområda Setesdal Ryfylke, Setesdal Austhei og Våmur/Roan.

Rapporten er skriven av Reidar Johan Sandal, SNO Suldal.

Kontaktpersonar:     Reidar Johan Sandal, Statens naturoppsyn, tlf. 90877844  
                          Svein Olav Stegarud, Setesdal Ryfylke villreinlag, tlf. 45865410

Suldal, november 2012

Reidar Johan Sandal (Sign.)  
SNO Suldal

## **1 Oppsynsorganisering**

Planlegginga skjedde også dette året i regi av SNO i Setesdal-Ryfylkeheiane og Setesdal Ryfylke villreinlag (SRV). Avtalen vart finansiert av viltfondet over DN sitt budsjett (kr.

87.000,-) samt sjølvpålagt avgift frå grunneigarane og administrativt bidrag frå villreinlaga.

SNO stilte til rådvelde naudsynt materiell, kommunikasjons- og tryggleiksutstyr til personellet. Innleigd personell arbeidde etter skriftleg instruks frå SNO. Dagleg leiing av oppsynet var eit samarbeid mellom SNO i Setesdal-Ryfylke og oppsyns-ko på Skinnarbu.

### **1.1 Oppsyns-ko**

Også i år var oppsynet under villreinjakta knytt til ein felles koordineringssentral. Oppsyns-ko er lokalisert til SNO sine kontor i Villreinsenteret på Skinnarbu. Det er politiet og SNO som utfører arbeidet. Senteret koordinerar ti villreinområder. Forutan dei tre villreinområda i sør, er dette Hardangervidda, Brattefjell-Vindeggen, Norefjell-Reinsjøfjell, Fjellheimen, Lærdal/Årdal, Blefjell og Nordfjella. Her har naturoppsynet vore tilgjengeleg på telefon og VHF-radio for mannskapa i felt og på telefon for jegerane. Mannskapet på senteret har i samarbeid med SNO i Setesdal-Ryfylke stått for den daglege leiinga av oppsynet. Viktige oppgåver for senteret var også å driva service, informasjon og rettleiing for jegerane med omsyn til dyremeldingar og jaktutøving, samt eit kontaktpunkt for forvaltninga med omsyn til fallvilt, handtering av valdkart og liknande.

### **1.2 Miljøovervaking**

Det er samla inn prøvar for NINA for analyse av radioaktiviteten på villrein i Setesdal-Ryfylke. Frå vaksne dyr er det teke kjøttprøve og kjeve. Det vart samla inn 11 prøvar. Det vart og samla inn kjøttprøvar frå Austheia for DNA-testing. Villreinlaga samla inn kjevar frå alle kategoriar dyr. Me takkar alle som har hjelpt til med innsamlinga.

### 1.3 Mannskap

Følgjande personar har vore med på å utføra teneste i dei tre villreinområda:

Gunhild Eikhom	Villreinlaga
Karl Gunnar Hoven	”
Lars Egil Libjå	”
Tom Olav Trydal	”
Svein Olav Stegarud	”
Lennart Tønnesen	Agder politidistrikt
Dag Refsnes	”
Knut Olaf Knudsen	”
Nina Helle	”
Jorunn Larsen	”
Peter Hermansen	SNO
Jon Erling Skåtan	”
Arild Pfaff	”
Olaf Landsverk	”
Reidar Johan Sandal	”

Mannskapa har i hovudsak blitt disponert i patruljer med to personar. Tenesta i fjellet var lagt opp som ei turnusordning. I helgane var det to, av og til tre patruljer ute. Midt i veka var det av og til ei patrulje ute.

## 2 Statistikk

### 2.1 Kvote og fellingsresultat for områda

	Setesdal/ Ryfylke villreinområde	Setesdal Austhei villreinområde	Våmur Roan villreinområde	Sum
Tildelt kvote	800 (550)	1613 (1195)	90 (60)	2503 (1805)
Fellingsresultat	164 (125)	647 (385)	70 (47)	881 (557)

Tala i parentes gjeld 2011.

### 2.2 Statistikk

	2006	2007	2008	2009	2010	2011	2012
<b>Timar i felt</b>	842	666	896	531,5	576	638,5	799
<b>Personar kontrollerte</b>	62	63	72	73	71	65	121
<b>Personar informerte i felt</b>	31	36	135	96	108	62	92
<b>Anmeldingar</b>	2	2	3	2	3	1	4
<b>Åtvaringar (OPS)</b>	2	3	3	1	8	6	16
<b>Obs. skadeskoten rein</b>	0	1	0	1	1	1	2
<b>Avliva skadd rein (ikkje skadeskotne)</b>	3	1	1	1	1	0	5
<b>Funn av død/skoten rein</b>	1	0	1	1	0	0	0

### 2.3 Anmeldingar og åtvaringar (OPS)

To av anmeldingane gjeld manglande betalt jegeravgift . Ei går på dyr klypt på feil kort og ei på dyr felt utan å klyppa kort. Det er gjeve 16 åtvaringar der dei aller fleste gjeld manglande papirer (jegeravgift, våpenkort m.m.) med på jakt og mangelfull utfylling av fellingsløyve .

---

## 3 Kommentarer til jakta 2012


### 3.1 Prioritering

Prioriteringane for villreinjakta i dei tre områda har vore slik:

1. Informasjon, rettleiing og oppsyn til stades i terrenget.
2. Kontroll med viltlova sine reglar om human og sikker jakt og om ettersøksplikt.
3. Heilskapleg oppsyn med lokale prioriteringar, t.d. kontroll med motorferdsel i utmark og vassdrag samt kontroll med verneforskriftene i verneområda.


### 3.2 Setesdal-Ryfylke

Det vart brukt 233,5 timer i Setesdal-Ryfylkeheiane. Kvotane var litt høgare enn fjoråret. Jakta var prega av vestlege vindar. Dette førte til at mestedelen av dyra i sørområdet (sør for Blåsjø) stod nordvest i områda mot Svartavatnet. Grunna store vedlikehaldsarbeid på Svartavassdammen, er båtutsetjingsrampen stengt. Dette førte til lite jaktpress i området der dyra heldt seg.



*Her ser me kor dei merka dyra heldt seg i sørområdet i jaktperioden.*

I nordområdet stod mykje av dyra mellom Vatnedalen og vegen inn til Store Urdavatn i Bykle. Tross mykje vestlege vindar, var det lite dyr som kom langt vestover.




Her ser me kor dei merka dyra heldt eg i nordområdet.

Oppsynet ser og får stadig fleire meldingar om bukk som står ute i randområda.

### 3.3 Setesdal-Austhei

491,5 av timane er brukte her. Kvotane er store i området, og jaktpresset blir stort. Dyra var lite over på austsida dette året. Dyra starta tidleg i jakta å kryssa nordover ved Bjørnevattn (slutten av august). I nordområdet vart dei ståande langt sør og vest. Dette førte til lite jakt på Telemarkssida. Det er mykje manglar med kortutfylling i området.



Her ser me kor dei merkte dyra heldt seg i jaktperioden på Austheia.

### **3.4 Våmur-Roan**

I Våmur-Roan auka kvotane dette året også. 74 timar vart brukte her. Jakta var spreidd i området, og det vart meldt om god jakt.

### **3.5 Generelt**

Oppsynet har inntrykk av at villreinjakta i 2012 stort sett gjekk føre seg på ein grei måte. Me ser eller får lite meldingar om uforsvarleg jaktutøving. Også dette året har me auka oppsynsinnsatsen i Austheia. Det er her jaktpresset er størst, og i enkelte område ser me ansamling av mange jegerar. Oppsynet ser framleis ein god del manglar med utfylling av fellingsløyva.